



Broj: 04-07-3-472-4/2023
Sarajevo, 11.04.2023. godine

DOM NARODA PARLAMENT FEDERACIJE BOSNE I HERCEGOVINE
n/r Tomislav Martinović , predsjedavajući
n/r Izen Hajdarević, potpredsjedavajući
n/r Slađan Ilić, potpredsjedavajući

Predmet: Prijedlog kandidata za sudiju Ustavnog suda Federacije BiH od 23.12.202. godine i od 01.02.2023. godine; - dostavlja se;

Poštovani,


U skladu sa odlukom Visokog predstavnika od 02.10.2022. godine kojom se donose amandmani na Ustav Federacije Bosne i Hercegovine, u prilogu Vam dostavljamo dopis Visokog sudskog i tužilačkog vijeća Bosne i Hercegovine od 23.12.2022. godine i od 01.02.2023. godine sa prijedlozima za imenovanje jednog kandidata za sudiju Ustavnog suda Federacije Bosne i Hercegovine.

Navedeni dopisi dostavljeni su predsjedniku i potpredsjednicima Federacije Bosne i Hercegovine u ranijem sazivu.

S poštovanjem,

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 13-04-2023			
Org. jed.	Broj	Priloga	Vrijednost
02.02/10 02/16	- 02-	1280	123



Predsjednik VSTV BiH

Hali Lagumdžija

Dostaviti:
- naslovu;
- a/a



02.02.23

Broj: 04-07-3-472-3/2023
Sarajevo, 01.02.2023. godine

BOSNA I HERCEGOVINA
FEDERACIJA BOSNE I HERCEGOVINE
N/r Melika Mahmutbegović, potpredsjednica
N/r Milan Dunović, potpredsjednik

Predmet: Odgovor na podnesak /Veza: Vaš akt broj: 02-06-38-03/23 i broj 03-01-1-15-3/23 od 31.01.2023. godine


Poštovani,

Shodno odredbama člana 7. tačka a) alineja I), člana IV.C.6. stav (2) Ustava Federacije Bosne i Hercegovine i člana 17. stav 1. tačka 3. Zakona o Visokom sudskom i tužilačkom vijeću Bosne i Hercegovine, Vijeće je na zahtjev Ustavnog suda Federacije BiH provelo konkursnu proceduru za imenovanje jednog (1) sudije Ustavnog suda Federacije Bosne i Hercegovine, konkurs broj: 04-07-3-2692-1/2022 od 11.08.2022. godine.

Nakon provedene procedure Vijeće je dana 29.12.2022. godine, Uredu predsjednika Federacije BiH, dostavilo prijedlog kandidata za Ustavni sud Federacije Bosne i Hercegovine, usvojen na sjednici Vijeća održanoj 22. decembra 2022. godine, sa naznakom da se isti dostavlja na ruke predsjednika i dva potpredsjednika Federacije BiH.

U vezi sa navedenim, dostavljamo Vam na znanje Prijedlog kandidata za Ustavni sud Federacije Bosne i Hercegovine sa svim pratećim dokumentima a koji je dostavljen predsjedniku Federacije BiH.

S poštovanjem,



Prilog:

- Prijedlog kandidata za sudiju Ustavnog suda Federacije BiH broj 04-07-3-2692-24/2022 od 23.12.2022. godine;
- Sažetak biografija i mišljenje o predloženim kandidatima;
- Mišljenje Ustavnog suda Federacije BiH, broj: S-71-2/22 (u vezi sa: S-32/22) od 05. decembra 2022. godine.

Dostaviti:

- 1) Naslovu,
- 2) Predsjedniku Federacije BiH,
- 3) a/a



Čavara
27/12.2

Broj: 04-07-3-2692-24/2022
Sarajevo, 23.12.2022. godine

BOSNA I HERCEGOVINA
FEDERACIJA BOSNE I HERCEGOVINE
N/r Marinko Čavara, predsjednik
N/r Melika Mahmutbegović, potpredsjednica
N/r Milan Dunović, potpredsjednik

Predmet: Prijedlog kandidata za sudiju Ustavnog suda Federacije Bosne i Hercegovine,
po konkursu, broj: 04-07-3-2692-1/2022 od 11.08.2022. godine

Poštovani,

Nakon provedene konkursne procedure za imenovanje jednog (1) sudije Ustavnog suda Federacije Bosne i Hercegovine, po konkursu, broj: 04-07-3-2692-1/2022 od 11.08.2022. godine, u skladu sa članom 17. stav 1. tačka 3. Zakona o Visokom sudskom i tužilačkom vijeću Bosne i Hercegovine („Službeni glasnik BiH“ br. 25/04, 93/05, 48/07 i 15/08), u prilogu Vam dostavljamo prijedlog kandidata za Ustavni sud Federacije Bosne i Hercegovine, usvojen na sjednici Visokog sudskog i tužilačkog vijeća Bosne i Hercegovine (u daljem tekstu: Vijeće), održanoj 22. decembra 2022. godine.

Na navedenoj sjednici, Vijeće je utvrdilo listu od jedanaest (11) kandidata koji su svrstani u četiri grupe, u skladu sa dobijenom opisnom ocjenom, i to :

- a) grupu I - ocjena odličan,
- b) grupu II - ocjena vrlo dobar,
- c) grupu III - ocjena dobar i
- d) grupu IV - zadovoljava.

Na listi prijedloga, kandidati su navedeni po grupama abecednim redom, kako slijedi:

Grupa I (odličan)

- 1. Džumhur Jaminka
- 2. Mijić Monika
- 3. Osmić Senad

Grupa II (vrlo dobar)

- 1. Barun Boris
- 2. Hadžagić Tanja
- 3. Hadžiavdzić Izmir
- 4. Škarica Željko
- 5. Zuparević Samir

LISTA KANDIDATA ZA USTAVNI SUD FEDERACIJE BOSNE I HERCEGOVINE

GRUPA I (odličan)

DŽUMHUR JASMINKA

Rođena 23.06.1963. godine u Zenici, po nacionalnosti Bošnjakinja. Pravni fakultet Univerziteta u Sarajevu, završila 1987. godine, a pravosudni ispit položila 1994. godine u Sarajevu. Magistrirala je 2009. godine na Fakultetu za kriminalistiku, kriminologiju i sigurnosne studije Univerziteta u Sarajevu (magistar kriminoloških nauka), a doktorirala 2016. godine na Pravnom fakultetu Univerziteta Džemal Bijedić u Mostaru (doktor nauka iz oblasti međunarodnog javnog prava).

Radno iskustvo

Ima ukupno 28 godina radnog iskustva nakon položenog pravosudnog ispita. Svoju profesionalnu karijeru započela je kao pravni referent u Fudbalskom klubu „Čelik“ 1988. g., na kojoj poziciji je provela godinu dana. Od 1989. g. do 1993. g. obavljala je dužnost sudije Općinskog suda za prekršaje u Zenici, a od 1993. g. do 2001. g. bila je predsjednica istog Suda. U periodu od 2001. g. do 2006. g. bila je službenica za ljudska prava u UN Ureda Visokog komeserijata za ljudska prava BiH. U periodu od 2006. g. do 2007. g. bila je vršilac dužnosti šefa UN Ureda Visokog komeserijata za ljudska prava BiH. Od 2007. g. do 2009. g. bila je koordinatorica za Zapadni Balkan, regionalni program, Međunarodna komisija za nestale osobe (ICMP). Od 04.12.2008. g. je ombudsmenka za ljudska prava u Instituciji Ombudsmena za ljudska prava Bosne i Hercegovine.

Ostale relevantne informacije

Od 2015. g. je članica i potpredsjednica UN Komiteta za prava radnika migranata i članova njihovih porodica.

Od 2010. g. do 2015. g. bila je članica i potpredsjednica UN Radne grupe za prisilne nestanke.

Jedna od osnivačica i članica Udruženje žena „Medica“ Zenica i Centra za pravnu pomoć za žene u Zenici u periodu od 1993. g.

Članica Komisije za istraživanje za Ukrajinu od 2022. g.

Konsultantica je više međunarodnih organizacija.

Edukatorica u Centru za edukaciju sudija i tužilaca Federacije Bosne i Hercegovine.

Predavačica o ženskim pravima na Evropskom regionalnom master programu za demokratiju i ljudska prava u jugoistočnoj Evropi (ERMA).

Predavačica međunarodnog prava i diplomatije, Internacionalni Burch Univerzitet Sarajevo.

Predavačica na Postdiplomskom studiju Međunarodna i regionalna sigurnost, Centar za interdisciplinarnu studiju Univerzitet Sarajevo.

Prisustvovala je raznim obukama i seminarima.

Učestvovala je u pisanju mnogih publikacija o različitim pitanjima iz oblasti ljudskih prava (prema podacima iz prijavnog obrasca radi se o ukupno 17 publikacija).

Član komiteta stručnjaka za poboljšanje procedura za zaštitu ljudskih prava od 2005. g. - 2010. g.

Od 2012. g. do 2013. g. bila je članica CDDH ad hoc pregovaračke grupe (47+1), za finalizaciju pravnog instrumenta koji propisuje modalitete pristupa EU Evropskoj konvenciji o ljudskim pravima.

Član drugostepene komisije za odlučivanje po žalbama podnesenih protiv akata Agencije za bankarstvo FBiH, od 2018. g.

Neovisna članica Arbitražnog tribunala Glavne komande EUFOR/NATO u Sarajevu za rješavanje sporova između pravnih i fizičkih osoba u BiH, od 2018. g.

Od 2016. g. do 2021. g. bila je član Visokog sudskog i tužilačkog vijeća Bosne i Hercegovine. U tom periodu bila je istovremeno i član više Stalnih komisija VSTV-a BiH.

Od 2017. g. HELP certificirani trener, nacionalni edukator za Bosnu i Hercegovinu.

Od 2017. g. do 2019. g. Stručna edukatorica u zajedničkom programu „Jačanje pravosudne stručnosti o slobodi izražavanja i medijima u Jugoistočnoj Evropi (JUFREX) koji je finansiran od strane Vijeća Evrope i Evropske Unije.

Od 2013. g. do 2014. godine surađivala sa AIRE Centrom na projektu uspostave „Online baze sudske prakse Evropskog suda za ljudska prava na regionalnim jezicima u Jugoistočnoj Evropi“.

Od 2005. g. redovno angažirana kao vodeći stručnjak iz oblasti ljudskih prava od strane Centra za edukaciju sudija i tužilaca Federacije BiH.

U prijavnom obrascu kandidatkinja je navela niz drugih aktivnosti, učestvovala je na više međunarodnih konferencija. Predavač je na brojnim domaćim konferencijama iz oblasti ljudskih prava.

Poznaje engleski i francuski jezik.

Ocjena i mišljenje

Kandidatkinja ima odlično znanje iz ustavno - pravne materije.

Naprijed navedene reference kandidatkinje, relevantno pravno iskustvo kandidatkinje, te kroz razgovor pokazani stepen poznavanja ustavno - pravne materije, uključujući specifičnosti u pogledu nadležnosti i postupka pred Ustavnim sudom Federacije Bosne i Hercegovine preporučuju je kao **odličnog** kandidata za poziciju sudije Ustavnog suda Federacije Bosne i Hercegovine.

OSMIĆ SENAD

Rođen 06.05.1975. godine u Doboju, po nacionalnosti Ostali. Pravni fakultet Univerziteta u Sarajevu završio 2003. godine, a pravosudni ispit položio 2007. godine u Sarajevu. Magistrirao je 2010. godine na Pravnom fakultetu Univerziteta u Sarajevu (magistar prava).

Radno iskustvo

Ima ukupno 15 godina radnog iskustva nakon položenog pravosudnog ispita. Od 2004. g. do 2005. g. bio je pripravnik u Vladi Kantona Sarajevo. Od 2005. g. do 2008. g. radio je kao rukovodilac službe za zajedničke djelatnosti, JU Zavod za zdravstvenu zaštitu žena i materinstva Kantona Sarajevo. Nakon toga je od 2008. g. do 2011. g. obavljao poslove stručnog saradnika u Uredu registrara, Tužilaštvo BiH. Od 2011. g. do 2014.

Radno iskustvo

Ima ukupno 16 godina radnog iskustva nakon položenog pravosudnog ispita. Od 1997. g. do 2003. g. bio je zaposlen kao stručni saradnik za poslove sekretarijata Vlade Kantona 10. U periodu od 2003. g. do 2006. g. bio je profesionalni zastupnik u Skupštini Kantona 10. Nakon toga, od 2006. g. do 2014. g. radio je u Javnom preduzeću „Elektroprivreda HZHB“ d.d. Mostar, prvobitno na poziciji samostalnog referenta za pravne poslove, zatim kao rukovodilac službe za pravne poslove i rukovodilac 2. pogon Livno i nakon toga kao samostalni referent za pravne poslove. U 2014. g. pet mjeseci je radio kao profesionalni zastupnik u Skupštini Kantona 10, a nakon toga kao stručni saradnik u Uredu izvršnoga direktora za distribuciju u Javnom preduzeću „Elektroprivreda HZHB“ d.d. Mostar. Od 2014. g. do 2018. g. je bio profesionalni zastupnik u Parlamentu Federacije Bosne i Hercegovine, Zastupnički dom, a od 2018. g. radi kao stručni saradnik u Uredu izvršnoga direktora za distribuciju u Javnom preduzeću „Elektroprivreda HZHB“ d.d. Mostar.

Ostale relevantne informacije

Objavio je monografiju „Entiteti u Ustavnompravnom sustavu Bosne i Hercegovine“, Grafomark, Banja Luka 2017. g., zatim monografiju „Eseji o federalizmu i konstitutivnosti“, Grafomark, Livno 2022. g. kao i četiri stručna rada, članka.

Od 2003. g. do 2007. g. bio je član komisije Federalnog ministarstva pravde za polaganje stručnog odgojiteljskog ispita i ispita stražara u federalnim ustanovama za izvršenje kazne zatvora.

Od 2005. g. do 2007. g. bio je član komisije Federalnog ministarstva pravde za polaganje stručnog upravnog ispita namještenika organa uprave i službi za upravu u FBiH, kao i u periodu od 2007. g. do 2009. g.

U periodu od 2016. g. do 2017. g. bio je predsjednik komisije Ministarstva pravosuđa i uprave Kantona 10 za polaganje stručnog upravnog ispita namještenika i vježbenika Više školske spreme.

Od 2017. g. član je komisije Federalnog ministarstva pravde za predlaganje sporazuma o naknadi štete zbog neosnovanog pritvora.

Od 2017. g. do 2019. g. bio je predsjednik komisije Ministarstva pravosuđa i uprave Kantona 10 za polaganje stručnog upravnog ispita namještenika i vježbenika Više školske spreme.

Od 2019. g. član je ustavne komisije Zastupničkog doma Parlamenta FBiH.

Član je HDZ-a BiH. U periodu od 2005. g. do 2007. g. bio je član središnjeg odbora HDZ-a BiH. Nije bio, niti je trenutno na dužnosti u Udruzi ili Fondaciji koja je povezana s nekom političkom strankom.

U periodu od 1991. g. do 1995. g. bio je pripadnik postrojbi HVO-a. U navedenom periodu nije obavljao nikakvu drugu dužnost u državnoj službi ili drugim tijelima. Poznaje engleski jezik.

Ocjena i mišljenje

Kandidat izlaže smireno, jasno, ležerno, magistar pravnih nauka, sa izrađenom doktorskom disertacijom.

Radno iskustvo

Ima ukupno 25 godina radnog iskustva nakon položenog pravosudnog ispita. Od 1985. g. do 1991. g. bio je referent za zastupanje u SOUR - UNIS - TCD - Derventa. Od 1996. g. do 2003. g. bio je zaposlen kao pomoćnik direktora Zavoda za javnu upravu u Federalnom ministarstvu pravde, a od 22.01.2003. g. obavlja poslove sekretara Parlamenta Federacije Bosne i Hercegovine - Dom naroda.

Ostale relevantne informacije

Od 1996. g. do 2003. g. bio je član redakcionih odbora i urednik brojnih publikacija Federalnog ministarstva pravde, a u periodu od 1997. g. do 2001. g. bio je član Državnog odbora za implementaciju izbornih rezultata (NERIC).

Od 1999. g. do 2001. g. bio je član Komisije za polaganje stručnog odgajateljskog ispita i stručnog ispita stražara u Federalnim ustanovama za izvršenje kazne zatvora.

U periodu od 2003. g. do 2013. g. bio je član Komisije za polaganje stručnog upravnog ispita.

Član ekspertnog tima OHR-a za izradu Zakona o državnoj službi u FBiH.

Predsjednik Komisije za polaganje ispita općeg znanja pri Agenciji za državnu službu Federacije BiH.

Član Komisija za izbor državnih službenika u institucijama BiH.

Od 2000. g. do 2002. g. bio je član Sekretarijata Vlade Federacije BiH za otklanjanje administrativnih barijera za strana ulaganja.

Član Nadzornog odbora Federalnog zavoda PIO/MIO od 2019. godine.

Vršilac dužnosti člana Upravnog odbora „Zrak“ d.d. od septembra do decembra 2018. godine.

Član Upravnog odbora Operatora za obnovljive izvore energije i efikasnu kogeneraciju (OIEiK) od maja 2014. godine, na mandat od 4. godine.

Član Stranke demokratske akcije (SDA) u periodu od 1990. g. do 2003. g., član Glavnog odbora u periodu od 2000. g. do 2003. g. Nakon stupanja na snagu Zakona o državnoj službi Federacije BiH 2003. g. i sticanja statusa rukovodećeg državnog službenika odlučuje se za profesionalnu službeničku karijeru i prestaje biti član političke stranke.

Objavio je nekoliko naučnih i stručnih radova (prema podacima iz prijavnog obrasca radi se o ukupno 8 radova). Prisustvovao je raznim seminarima i edukacijama.

Pripadnik teritorijalne odbrane u periodu od aprila 1992. g. do jula 1992. g.

Poznaje ruski jezik.

Ocjena i mišljenje

Kandidat ima vrlo dobro znanje iz ustavno - pravne materije.

Naprijed navedene reference kandidata, relevantno pravno iskustvo kandidata, te kroz razgovor pokazani stepen poznavanja ustavno - pravne materije, uključujući specifičnosti u pogledu nadležnosti i postupka pred Ustavnim sudom Federacije Bosne i Hercegovine preporučuju ga kao **vrlo dobrog** kandidata za poziciju sudije Ustavnog suda Federacije Bosne i Hercegovine.

Radno iskustvo

Ima ukupno 8 godina radnog iskustva nakog položenog pravosudnog ispita. Od 20.11.1998. do 31.08.2002. godine radio je kao stručni saradnik za pravne poslove u JP PTT BiH p.o. Sarajevo, Direkcija PTT Jajce-Travnik. Od 01.09.2002. godine do 01.12.2004. godine bio je šef Službe u Službi za pravne, kadrovske i opće poslove, zatim od 03.12.2004. do 31.03.2005. godine šef Službe za poštanski i novčani promet, te od 01.04.2005. do - i dalje, šef Službe za poštansku eksploataciju u „JP BH POŠTA,, d.o.o. Sarajevo, Centar pošta Travnik.

Ostale relevantne informacije

Profesor Ustavnog prava u zvanju docent i vanredni profesor na Sveučilištu/Univerzitetu Vitez u kontinuitetu od 2015. godine. Profesor Teorije države i prava i Metodologije prava s osnovama nomotehnike na Sveučilištu/Univerzitetu Vitez u kontinuitetu od 2012. godine.

Objavio je 1 knjigu i 12 naučnih i stručnih radova. Poznaje engleski jezik.

Dana 28.07.2022. godine istupio iz članstva SBB BiH iz privatnih razloga, te je shodno navedenom izvršeno brisanje iz baze članstva i izdata potvrda br 231-03/22 od 29.07.2022. godine koju je kandidat dostavio u prilogu prijave.

Bio je pripadnik Armije RBiH 1992. g. - 1993. g. i MUP RBiH od 1993. g. - 1994. g. Kandidat ima dugogodišnji radni staž i radno iskustvo u privredi (25 godina) te radno iskustvo u naučno-nastavnim ustanovama (13 godina). U periodu 2010. g. - 2011. g., bio je univerzitetski nastavnik u zvanju docenta na Internacionalnom Univerzitetu Philip Noel-Baker Sarajevo. Od 2009. g. do 2010. g. bio je univerzitetski nastavnik u zvanju docenta na Pravnom fakultetu u Travniku. Od 2005. g. - 2009. g. bio je viši asistent na Pravnom fakultetu Univerziteta u Zenici. Učestvovao je na mnogim konferencijama i znanstvenim projektima.

Ocjena i mišljenje

Kandidat ima vrlo dobro znanje iz ustavno - pravne materije.

Naprijed navedene reference kandidata, relevantno pravno iskustvo kandidata, te kroz razgovor pokazani stepen poznavanja ustavno - pravne materije, uključujući specifičnosti u pogledu nadležnosti i postupka pred Ustavnim sudom Federacije Bosne i Hercegovine preporučuju ga kao **vrlo dobrog** kandidata za poziciju sudije Ustavnog suda Federacije Bosne i Hercegovine.

GRUPA III (dobar)

LJEVAKOVIĆ RAMO

Rođen 27.03.1960. godine u Tešnju, po nacionalnosti Bošnjak. Pravni fakultet Univerziteta u Sarajevu završio 1984. godine, a pravosudni ispit položio 1987. godine u Sarajevu. Magistrirao je 2011. godine na Pravnom fakultetu Univerziteta u Zenici (magistar prava), a doktorirao je 2020. godine na Pravnom fakultetu Univerziteta u Zenici (doktor pravnih nauka).

Ocjena i mišljenje

Kandidatkinja ima prosječno znanje iz ustavno - pravne materije. Naprijed navedene reference kandidatkinje, relevantno pravno iskustvo kandidatkinje, te kroz razgovor pokazani stepen poznavanja ustavno - pravne materije, uključujući specifičnosti u pogledu nadležnosti i postupka pred Ustavnim sudom Federacije Bosne i Hercegovine preporučuju je kao **dobrog** kandidata za poziciju sudije Ustavnog suda Federacije Bosne i Hercegovine.

GRUPA IV (zadovoljava)

SALLER - OSENK DANIJELA

Rođena 05.05.1969. godine u Sarajevu, po nacionalnosti Hrvatica. Pravni fakultet Univerziteta u Sarajevu završila 1992. godine, a pravosudni ispit položila 1998. godine u Sarajevu.

Radno iskustvo

Ima ukupno 24 godine radnog iskustva nakon položenog pravosudnog ispita. Od 1994. g. do 1999. g. obavljala je poslove advokatskog pripravnika u Advokatskoj kancelariji Fahrudin Ibrišimović. Od 24.01.1999. g. obavlja poslove advokata u vlastitoj advokatskoj kancelariji.

Ostale relevantne informacije


Član je Regionalne advokatske komore Sarajevo od 1994. g. u svojstvu advokatskog pripravnika, a od 1999. g. u svojstvu advokata. U periodu od 2002. g. do 2014. g. bila je član Upravnog odbora Regionalne advokatske komore Sarajevo (u tri mandata).

Ocjena i mišljenje

Znanje kandidatkinje na jedva zadovoljavajućem nivou.

Bosna i Hercegovina
FEDERACIJA BOSNE I HERCEGOVINE
USTAVNI SUD
FEDERACIJE BOSNE I HERCEGOVINE

Broj: S-71-2/22 (u vezi sa: S-32/22)
Sarajevo, 05.12.2022. godine



VISOKO SUDSKO I TUŽILAČKO VIJEĆE
BOSNE I HERCEGOVINE
n/r Halil Lagumdžija, predsjednik

PREDMET: Mišljenje o kandidatima za poziciju sudije Ustavnog suda
Federacije Bosne i Hercegovine

Veza: Vaš broj: 04-07-3-2692-20/2022 od 11.11.2022. godine

Poštovani,

Na osnovu člana IV.C.3. Ustava Federacije Bosne i Hercegovine, u vezi sa članom 11. alineja 5. Odluke o položaju, organizaciji, funkcionisanju, samostalnosti i upravno-materijalnoj nezavisnosti Ustavnog suda Federacije Bosne i Hercegovine („Službene novine Federacije BiH“, br. 6/18, 31/22 i 82/22), i u skladu sa članom 17. stav 1. tačka 3. Zakona o visokom sudskom i tužilačkom vijeću Bosne i Hercegovine („Službeni glasnik BiH“, br. 25/04, 93/05, 48/07 i 15/08), Ustavni sud Federacije Bosne i Hercegovine je na 354. sjednici Ustavnog suda Federacije Bosne i Hercegovine, održanoj dana 05.12.2022. godine donio

MIŠLJENJE

na Listu kandidata za poziciju sudije Ustavnog suda Federacije Bosne i Hercegovine

Aktom Visokog sudskog i tužilačkog vijeća Bosne i Hercegovine, broj 04-07-3-2692-20/2022 od 11.11.2022. godine, koji je zaprimljen u Ustavni sud Federacije Bosne i Hercegovine dana 15.11.2022. godine dostavljena je Lista kandidata za poziciju sudije Ustavnog suda Federacije Bosne i Hercegovine, te zatraženo Mišljenje na istu.

Ustavni sud Federacije Bosne i Hercegovine je razmotrio dostavljenu Listu kandidata za sudije ovog suda, te je mišljenja da bi na konačnoj Listi kandidata koju Visoko sudsko i tužilačko vijeće Bosne i Hercegovine utvrđuje nakon dostavljanja ovog mišljenja i prosljeđuje u dalju proceduru, trebali biti isključivo kandidati iz grupe I (odličan) i grupe II (vrlo dobar). Imajući u vidu da se u te dvije grupe nalazi dovoljan broj od osam (8) kandidata koji su rangirani kao odlični i vrlo dobri, smatramo da konačna Lista kandidata za poziciju sudije Ustavnog suda Federacije Bosne i Hercegovine ne bi trebala da uključuje kandidate koji su ocijenjeni nižom ocjenom.



Predsjednica
Ustavnog suda Federacije
Bosne i Hercegovine

Aleksandra Martinović
Aleksandra Martinović